

**Federalni rudarsko, termo i elektro-energetski inspektorat**

**Broj: 16-14-8-04831/2023-16-3**

**Datum, 12.9.2023. godine**

Bosna i Hercegovina  
Federacija Bosne i Hercegovine  
Unsko-sanski kanton  
OPĆINA SANSKI MOST  
**OPĆINSKO VIJEĆE**  
Trg Ijljana 1  
**79260 Sanski Most**

**- G-dža. Edisa Hodžić, Sekretar Općinskog vijeća**

**- Gosp. Abdulvahid Cerić, Općinski vijećnik**

**Predmet: Odgovor na pitanje koje je uputio vijećnik gosp. Abdulvahid Cerić**

Poštovani,

U vezi vijećničku inicijativu :

1. Da se na terenu provjere sve radnje vezane za miniranje kod preduzeća "Lager d.o.o. Posušje" na prostoru općine Sanski Most. S tim u vezi potrebno je da izvršite inspeksijski nadzor i utvrdite da li preduzeće ispunjava uslove za miniranje (dozvole, elaborati o miniranju, a ukoliko posjeduju da li se isto izvodi u dozvoljenim granicama, mjerama i intervalima) obzirom da na stambenim i drugim objektima dolazi do oštećenja u vidu pucanja ?

" koje je podnio gosp. Abdulvahid Cerić na 26. sjednici Općinskog vijeća Sanski Most, održanoj 27.07.2023.godine, upućenu Federalnom rudarsko, termo i elektro-energetskom inspektoratu koji je u sastavu Federalne uprave za inspeksijske poslove, a koja je zaprimljena dana 17.08.2023.godine, dajemo Vam sljedeći

**Odgovor:**

*Uvaženi vijećniče,*

Federalni rudarsko, termo i elektro-energetski inspektorat je putem inspektora izvršio inspeksijski nadzor po vašoj inicijativi dana 4.9.2023. i 5.9.2023.godine kod preduzeća Lager d.o.o. Posušje i izvođača rudarskih radova na bušenju i miniranju na površinskom kopu općina Sanski Most, shodno odredbama Zakona o rudarstvu Federacije BiH, Zakona o inspekcijama Federacije BiH i drugih propisa koji uređuju izvođenje rudarskih radova miniranjem.

1. Privredno društvo Lager d.o.o. Posušje na području općine Sanski Most posjeduje sljedeće:
  - Ugovor o koncesiji (izdat od Ministarstva privrede USK),
  - Vodnu dozvolu (izdata od Agencije za vodno područje rijeke Save),
  - Okolinsku dozvolu i zaključak o obnovljenoj okolinskoj dozvoli (izdata od Federalnog ministarstva okoliša i turizma ),

- Pravo za eksploataciju mineralne sirovine ( izdato od Federalnog ministarstva energije, rudarstva i industrije),
  - Dozvolu za izvođenje radova po rudarskom projektu eksploatacije mrkog uglja na površinskom kopu „Zlauše-Martin-Majdankići“ Gornji Kamengrad-Sanski Most ( izdato od Federalnog ministarstva energije, rudarstva i industrije),
  - Ugovor sa Izvođačima rudarskih radova na bušenju i miniranju
2. Izvođači rudarskih radova na bušenju i miniranju na površinskom kopu posjeduju:
- Ugovor sa naručiocem za izvođenje radova na bušenju i miniranju,
  - Ugovor o međusobnim pravima i obavezama za kontrolu provođenja mjera zaštite na radu,
  - Projekat u kojem je obrađena bušačko-minerska metoda izvođenja rudarskih radova (dozvolu za izvođenje radova po rudarskom projektu izdato od Federalnog ministarstva energije, rudarstva i industrije za potrebe Lager d.o.o. Posušje),
  - Elaborat za izvođenje bušačko-minerskih radova u sklopu koncesionog polja na lokalitetu Zlauše-Fajtovci-Gornji Kamengrad,
- U Elaboratu miniranja između ostalog obrađen detaljan Izvještaj o provođenju mjera zaštite ljudi i objekata prilikom izvođenja miniranja sa rezultatima:
    - Oprema i mehanizacija se povlači na minimalno odstojanje od 150metara,
    - Radnici se povlače na minimalno odstojanje od 300metara,
    - Udaljenost najbližih objekata 800metara,
    - Uređaj za mjerenje postavljen na ploču objekta i usmjeren ka minskom polju,
    - Rezultati seizmičkog uticaja miniranja na objekte nivoa L2 su najčešće iznosili da „Instrument nije zabilježio nikakve oscilacije“, a maksimalne registrovane brzine oscilovanja na Istrumentu su iznosile „1,4mm/s“ i kreću se u granicama standardom dozvoljenih za brzinu oscilovanja definisanih standardom 4150 (5-15mm/s za frekvencije 10-50 Hz) iz kojeg miniranje nije moglo prouzrokovati štetu na objektu.
3. Iz svega navedenog na osnovu obavljenog inspeksijskog nadzora može se konstatovati da Lager d.o.o. Posušje i Izvođači radova na bušenju i miniranju na Površinskom kopu u Sanskom Mostu ispunjavaju uslove za miniranje i posjeduju neophodne dozvole, elaborate za miniranje, te provode monitoring seizmičkog uticaja miniranja na objekte, a čiji rezultati se kreću u granicama standardom dozvoljenih.

S poštovanjem.

Akt sačinio:

Glavni federalni rudarsko, termo i  
elektro-energetski inspektor:

\_\_\_\_\_  
Dr.sci.Ferid Osmanović

Dostavljeno:

1 x Naslovu-Sekretar  
Općinskog vijeća Sanski Most  
1 x Naslovu-Općinski vijećnik  
Abdulvahid Cerić  
1 x Evidencija  
1 x Arhiva

**Direktor**

M.P.

\_\_\_\_\_  
**Mr. Anis Ajdinović**